

aut quid ab unitate differet? Item, unitas anterior dualitate: perempta namque perimitur dualitas. Ideam igitur, id est necesse est eam esse, cum prior idea sit, ac priorem factam fruile: ex aliquo igitur. Indeterminata enim dualitas, dualitatis efficiens erat. Item, aut finitus, aut infinitum necesse est numerum esse: numerum enim separatum faciunt; quare non est possibile, nou esse horum alterum. Et quidem quod infinitum esse non contingit, patet. Infinitus enim, nec par, nec impar est. Generatio vero numerorum, aut imparis numeri, aut pari semper est. Cum enim unum hoc non cadat in parem, impar efficitur. Cum vero hoc modo dualitas incidat in eum, qui ab uno duplicatur, si quidem imparium alius par. Item, si omnis idea alicuius est, numeri vero ideas sunt, infinitus quoque numerus erit alicuius vel sensibilium, vel alicuius alterius idea: quamuis nec secundum positionem, neque secundum rationem contingit, ita tamen ordinant ideas. Quod si finitus, usquequo? Hoc enim dici oportet, non solum, quod est, verum etiam propter quid est. At vero si numerus ad denarium usque, ut quidam aiunt, primò quidem citò deficient species: puta si ternarius est homo idealis, quis numerus erit idealis equus? Etenim ad denarium usque numerus est idealis, ideo necesse est, quodam eorum numerorum in eis esse. Hi enim, substantia, ideae sunt. Attamen deficient, si species quidem animalis excedent. Simil autem constat, quod si hoc modo ternarius idealis homo sit, & ceteri quoque ternarii, cum similes sint, qui in eisdem numeris sunt: quare infiniti homines erunt, aut unusquisque idealis homo, si unusquisque ternarius idea est? aut si non, saltem homines. Et si minor pars sit maioris, qui ex iis combinabilibus unitatibus est, quæ in eodem sunt numero. Sin si alicuius idea sit ipse quaternarius, veluti equi aut albi, homo erit pars equi, si homo dualitas sit. Absurdum item est, denarij quidem ideam esse, unde unitatibus autem non, neque sequentium numerorum. Item, & sunt, & sunt quædam, quorum species non sunt: unde qua de causa non sunt illorum species, ponunt ergo species causæ. Item, inconveniens est, si numerus usque ad denariū magis quid ens, & ipsius denarij species, tametsi huius quidem non sit generatio tanquam unius, illius tamen sit. Tentat autem tanquam si is, qui ad denariū usque est, perfectus numerus sit: generat portd, quæ sequuntur,